

Kiinaaleeraq

Qallunaatut atia: Vandrefalk

Latiinerisut atia: Falco peregrinus

Tuluttut atia: Peregrine Falcon

Sorlernut ilaava: Timmissat


Timmiaqatai: Tigutsisillit

Ilaqutai: Kissaviarsuit

Kiinaaleeraq nalinginnaasumik piaqqiortarpoq Kalaallit Nunaata kitaani Tunumilu, avannamut Qaanaaq Ammassalillu tikillugit. Nunap timaani innani qutaarluusuni qaarsortanilu innaaqqissuni piaqqiortarpoq, Kalaallit Nunaanni maajimiit aggusti-novembarimut takussaasarluni.

Ilisarnaatai

Kiinaaleeqqap tunua qasertoq tungujuluttuuvoq allaqarluni, niaquata qaava taartuuvoq, saava sanimoortunik titarniisalik qaamanerulluni. Ulussamigut illuttut umiisaqarpoq, isaasa sinaat sungaartuullutik. Sigguisa manngui isigaallu aamma sungaartuupput.



Nerisai

Nerisarineruai timmissat sukkasoorujussuarmik aarsarluni pisisakkani. Arnavissap pisani kiilumik ataatsimik oqimaassusillit nerisinnaavai.

Paasissutissat

Uumaffii: Qaqqat
Sului siaarlutik: 89-115 cm
Takissusia: 39-50 cm
Oqimaassusia (angutiviaq) 600-750 g
Oqimaassusia (arnaviaq) 900-1300 g
Sivisunerpaamik uumasarpoq: Ukiut 17
Manniisa amerlassusaat: 3-4
Manniliortarpoq: Ukiumut ataasiarluni
Ivasarpoq: Ullut 29-32
Piarai piaraasarput: Ullut 35-42

Nalunngiliuk?

Kiinaaleeraq sukkasoorujussuarmik timmisarpoq. Timmilluni agguatigiissillugu nalunaaquttap-akunneranut 40-55 km-inik sukkassuseqartarpoq, malersuigaangami nalunaaquttap-akunneranut 112 km-inik. Piniakkaminilli nassarluni aarsaaraangami nalunaaquttap-akunneranut 320 km-inik sukkassuseqarsinnaavoq.